

重脩固始縣志序

志莫小於一邑而邑志為難夫
天下者一邑之積也邑之有志
其寰宇之權輿乎文匪詳無□
綜要事匪核無以徵信蕞尔之
區彈丸之野而九域之部分州

續志序

一

次者繫焉百度之綱舉目張者
萃焉若其隸於州領於郡薈於
省以成

聖代車書一統之盛皆其博觀而約
取之已爾故曰邑志為難余同
學南州先生之宰固始也其地

期思之故縣寢邱之舊。□控。□
荆楚聯絡淮江于古為下濕壤
塉今則

皇澤覃敷休養生息者百年固中州
之沃壤而聲名文物之鄉也南
州以幹濟膺望縣未浹歲政通

續志序

二

人和治狀稱最會大方伯趙公
有纂脩邑志之檄輒以判牘餘
閒徵文考獻手不停披邑志脩
於康熙癸酉迄今凡五十有。□
年而南州輯舊增新搖毫迅捷
不兩月而竣事遂寓書索鄙言

以序之余與南州硯度石交歲
踰二紀又同門之戚相謂為亞
者也誼久而情親雖不文其□
辭余惟自昔學道之儒類能以
經術潤飾吏治志者史家之一
體邑志者通志之一班合外史

續志序

三

之掌太史之陳

國史之採而欲以纂言紀事責之
縣官之手難矣此豈刀筆筐篋
俗吏之所能為哉且失考山川
按圖□則瞭然指掌稽戶口覈
土田則粲於列眉兵農學校之

隄防若振裘之有領也忠孝節
廉之沒□如植木之有根也執
一卷之書而移風易俗之淵源
與夫臨政蒞人之體要胥出其
中固宜其為遠者大者之當先
而居官者率斂手而不之及非

續志序

四

遂置之也難之也何則揆煩剖
劇沉迷簿領時不暇為一矣考
古驗今匪材與識力不敢為□
矣其下因陋就簡以為此事□
吾所意也雖掇拾補葺亦怠不
肯為三矣南州願獨從容於案

牘填委之場秉筆翮縷勒成一
書以供輶軒之網羅而補五十
年來之闕蓋即一舉而才之敏
學之瞻志之奮于是可知而□
用心與力之勤以弗懈於有位
者亦于是而可知也已初南州

續志序

五

成進士受知

聖明擢知縣即用謁選得宜陽令

上特調蒲臺到官有聲再移海陽又
調繁陽穀尋以其叔虞軒先生
開藩山左別補冕寧

上復調南召大臣益嘉其能請改固

始

制報可計數歲中登除目者六量移者五衝繁劇要難治之任車□略徧非其才實過人其何以別利器煥新礪恢恢乎其有餘地也哉治大邑若烹小鮮人之所

續志序

六

難無一非南州之所易也抑將有進于是者而南州必無避其難也夫邑志之難其小者也

乾隆十年歲在乙丑夏四月

賜進士出身協理江南道事貴州道
監察御史加一級紀錄一次同

學愚弟孫灝拜撰



續志序

七

續固始縣志序

大塊噫氣其名為風編戶群黎
皆曰庶民民有象也風無形也
以無形驗有象象於何指顧好
尚因時而殊淳漓易地而變且
有同是時同是地而今昔改觀

續志序

八

滄桑異景者民為之乎實風使
之然也是以徵盛衰者必驗民
風驗民風者必攷信史縣之有
志其亦春秋之遺意歟余自丙
辰釋褐十年來歷任五縣考民
風稽政事徵得失驗盛衰罔不

兢兢乎於志書加之意焉甲子
春王余改調蓼土吏人抱牘而
進志書其先校焉前志修於康
熙三十二年邑宰楊汝楫手問
風俗則曰卑靡惡陋焉問食貨
則曰戶口凋零焉問選舉則曰

續志序

九

人材閒寂焉問官事則曰治久
法弛焉余不覺廢書長嘆曰中
州素號名區蓼國亦稱沃地抑
何其民凋俗敝至于此極無怪
乎歷五十餘年蒞茲土者寂無
一言而竟致典制淪亡也余

臨深履薄經令一載民氣和平
訟獄稀少蝗不食禾歲登大稔
即追溯十年二十年前事而案
牘內並無干名犯義大傷風□
之事亦無凶裨飢饉民不聊生
之文且徵之彰善錄旌善坊而

續志序

十

知縉紳處士樂善好施敦本茂
實嘉言懿行班班可考然則此
日之民風固大勝於五十年前
而不可泥前志以概衡得失也
我
國家深仁世澤保合元氣雨露滋

培者有年飲食教誨者有年日
新月盛時臻熙皞風行草偃鼓
盪春和則風俗盛衰實由政事
而不盡係乎民風也甲子九月
奉

藩憲趙公以訪求民瘼諮諏遺

續志序

十一

獻為資政之首務飭令下邑纂
修邑乘桂雖不文不敢辭責謹
將五十餘年之事訪輯成帙錄
呈
清鑑若云粉飾太平以邀民譽
則共見共聞之下桂不敢有所

點擻以貽羞於簪筆者是為序
賜進士出身

勅授文林郎知山東武定府蒲臺縣
事調繁知登州府海陽縣事調
繁知兗州府陽穀縣事迴避另
補奉

續志序

十二

旨特調知河南南陽府南召縣事調
繁知直隸光州固始縣事戊午
辛酉兩科山東鄉試同考官加
一級紀錄五次包桂題



固始縣續志序

吾邑古蓼國又楚大夫孫叔敖
故地疆界天中襟帶江湖自□
賢臣偉人彪炳史冊蔚然汝南
名區舊隸汝郡雍正乙巳

續志序

十三

世宗念幅員孔長析光州分轄迄今
田賦豁減官師更易人物藝文
亦時增益日新月異志而不脩
嗣世何觀語云莫為之前雖美
弗彰莫為之後雖盛弗傳不其

然乎上年甲子春

王月錢塘進士 包公以繁劇才
調吾邑蒞任廉門勞心撫 □ 簿
書之暇披覽邑志嘗謂是志也
自前令楊公纂修後閱今五十

續志序

十四

餘年見 二 聞 二 劃然中斷殘缺

凋零文獻無徵母乃後之視今

亦猶今之視昔云 二 冬仲奉 □

藩憲續志檄毅狀身任之編輯
校訂提綱列目繕次就緒凡為

卷十二書成以屬余序余受而
讀之而深嘆 公之大造於吾
邑也從來設施之善被之者一
時而紀載之詳流傳且及百世
公之治吾邑也為保障不為繭

續志序

十五

絲原非斤 二 計一時者而茲邑
志之修以紹前喆以示來許匪
託空言具見實事則尤深切著
明可謂務其遠大者矣 公以
邑志因陋就簡多所傳會必有

舛誤採訪世家之傳述網羅野
夫故老之所睹記芻搜近討叅
考互証寧質直毋浮夸寧謹嚴
毋假借以續星野儼列史之志
分野也以續建置沿革山川風

續志序

十六

土儼列史之志疆域志風俗也
乃如財賦之盈絀續之官職之
遷移續之仕宦選舉之常制忠
孝節烈之軼事無不續之要皆

□ □ □ 今 □ 名 □ □ □ □ 二
正 二

郁二煌二真堪與信史並傳焉
即公之興除利弊若建閣若
築堤若裁汰冗役勒諸貞珉自
亦有不得而泯歿者載之邑乘
其較著矣夫邑有賢令父母

續志序

十七

也亦師保也公總秉筆之任
手定是書窺厥用心直有仰視
仄景俯矚犇流力為推挽之意
豈徒踵事增華云爾哉余故不
揣固陋而漫為之序繼自今吾

邑不乏有志之士其將崇禮義
務實學以追蹤昔賢古今人誰
謂不相及乎生

昇平之世返隆古之俗慕善人之
行勵君子之德勉旃勉旃以副

續志序

十八

當事者之厚望也夫

乾隆十年歲次乙丑季春

賜進士出身

誥授朝議大夫分守山東濟東泰
武兼管水利通省驛傳事務布

政使司叅議道前都察院湖廣
四川道監察御史協理陝西山
東江南道事掌京畿道吏部考
功司郎中文選司員外郎稽勲
司主事翰林院庶吉士邑人吳

續志序

十九

士功
誤



續志序

志史例也經武以刑史詩以鑑
訓以明經鑑以治事理明而事
治以之宰天下無難獨乙邑云
尔哉德有之前人在後人之師
也前事古後事之資也其間為

續志序

二十

因為草為損為蓋孰興孰替孰
緩孰急合民情宜土俗孔有詩
於衷以朝夕諄明切究而因時
善之與何以知明變當稱請咸
宜乎志有裨於治直飲食裘葛
之不可離也明矣邑志自

清廢揚公卒椒纂修浚距公五
十年年未有嗣響總典禮猶昔
而風尚漸弱續志之烏窠已我
邑侯包公以鑄江右族而辰計
循釋褐得蒲菴循卓聲騰屬調
繫剝一旦嘉惠歸止嘻何來之

續志序

二十一

暮也 公去春自南召奉祠下
車不數月而風行草偃吏畏民
懷一時躋堂報頌則有清菴正
直之頌月旦間評則以為淳淳
不賞而祇不怒而威之意其實
心實效姑贈舉一之縣治嚴浚

有思過闕三楹特於肩背
公踵而新之浚居往平地我
公於去秋捐俸鳩工不日而成
膏 文昌像祀其上易其額曰
文昌閣以其學宮之奎樓相輝
映宣文教也挽河橋邑之勝概

踞岸東向俯瞰河流其岸之南
北對通則沿河要路年時河水
漲汎堤岸圯決崩塌路阻而糶
之危士民顧 撫憲委驗估計
其廢以爲計費不貲而中止
公蒞任聲毫不貳比及十月農

隙水涸下令貼岸築壩遏水社
石壘砌弥月之間堤完而路通
路通而橋之重新乃商民青悅
口碑載道矣 公嘗晤諸縉紳
即請以志缺為念適各仲澤
藩產趙公祖續志備採之極喜

續志序

二十三

不自勝乃劄示通邑羅致羣言
爰以退舍解間擬徑訂其錯之
綜之考之何之呈羅蒼布亦歷
合珠聯其論不啻一條尤為揭
前志之所未普於淹貫淵博旁
及象緯曷克臻此文紀事之難

史遷不能無譏而班失之同范
曄之誕亦其新不免矣溫公資
治通鑑於胡文定公之舉勇補
遺無以孫其綱朱子綱目孔堂
仁山之續綱目無以續其遺志
也續志豈易之者哉書成見示

續志序

二十四

竊披受而披閱之魁、柄、情
迷志眩史例乎抑治譜乎史則
揆天之藻治則亮天之正也鳳
城佳氣允為龍闕吹聲指顧於
山史水之公輔迴翔之地壘上
若干編挾風雲而直上矣仁恭

逢 盛典藉手校訂敢敬書數
言於簡端

進士出身

授翰林郎知江西高安縣事治年
家眷弟祝元仁題

時

續志序

二十五

乾隆十年歲次乙丑清和月



固始縣續志序

邑志與國史相為表裏而史必
本乎志夫志者紀其地紀其時
紀其人與事邑之實錄也採之
輶軒可以叅信吏頒之掌故可
以作政書則又史之實錄也志

續志序

二十六

顧不重哉雖然余聞之修史之
難無過於志夫史有紀有表有
傳有志而邦國之志自普通名
曰志披圖按籍疆域分生養遂
教化行風俗羨胥將於志焉是
取故史有三長曰才曰學曰識

志亦宜然此志之所為難也抑
余又聞之馬遷撰記質而不俚
班固作書瞻而不穢古稱良史
故在其文兼勝焉然文中子不
云乎史之失自遷固始記繁而
志寡故辭尚體要韓退之有言

續志序

二十七

春秋謹嚴左氏浮夸後之君子
徵文考獻以修志也發凡起例
手出白黑失在矯誣為陋滋甚
此吾邑之志迄今五十餘年不
修者余竊謂修志之難其人也
考康海志武功崔銑志安易精

而要瞻而潔一邑之書文人學
士獨愛重之又安福顏德侔陝
州志得古人序述之體登封令
李君新志忝取甚嚴叙事有法
今吾邑 包公奉 憲續志檄
益舊增新攷據折衷編輯而校

續志序

二十八

訂之堂哉皇哉可與安易武功
諸志並傳云噫嘻余因之有感
矣夫修志難續志尤難修者創
也續者因也昔孔子論世不廢
損益而因先之孟子言為政則
曰因先王之道 公之續是志

也僉謀獨斷兼擅史長其善於
困者乎夫朱子有綱目困不可
無金仁山之續綱目馬貴與有
文獻通考困不可無王元翰之
續文獻通考吾邑地不過百里
而人物風景甲於郡邑其志自

續志序

二十九

楊令纂修後尤不可無 公之
續志以脩顧問以廣獻納也蓋
有由然矣異日者奏之

天子付之太史採擇志之即以成國
史焉邑志云乎哉凡我同邑幸
逢 盛舉願輸綿力刊 成書

庶以昭示來茲無負我 公立
言不朽之治欵余不自揣爰是

爲序

乾隆十年歲次乙丑季春

賜進士出身

誥授朝議大夫分守山東濟東泰武

續志序

三十

兼管水利通省驛傳事務布政
使司叅議道前都察院湖廣四
川道監察御史協理陝西山東
江南道事掌京畿道吏部考功
司郎中翰林院庶吉士邑人吳
士功再撰



固始舊有志作述相繼凡五訂矣然自康熙癸酉纂修以來垂今五十餘年閱世生人閱人成世其間政治之得失風俗之遷移人物文章之盛衰時事日增而書缺有間後有作者將誰前聞

邑侯包父臺抱班馬之才行卓魯之治期年政通人和百廢具舉迺奉

憲檄修志參考紀傳網羅散失取五十年

固始縣續跋

一

來之事實彙爲一書名曰續固始縣志

彬

受而讀之天人之理昭乎日月經濟之畧沛若江河博而能約簡而能該雖古作者蔑以過之他日採風氏上之蘭臺於以徵文考獻鼓吹休明豈曰小補之哉

固始縣儒學教諭李汝彬謹跋

邑志之作所以考列宿辨疆域述政事敘
人物也星辰方域亘古常新治蹟人才閱
時各異此修纂之功所賴繼起之有人也
邑侯包父臺卓識鴻才軼超倫類學富乎
五車政同夫三異甲子冬奉

藩憲修志檄毅然以爲己任先期傳諭紳
士里民令其各舉所知聽政之暇輒援筆
參酌不踰月而書成取材富所以周知古

今之變秉筆嚴所以克當是非之公持論
精所以不惑異同之說蓋彬彬乎班馬之
遺也曉自愧弇鄙不足闡發作者蘊奧然
愛之慕之不敢重自菲薄也爰紀其大畧
綴于篇末

固始縣儒學訓導馬 曉謹跋

特授河南直隸光州正堂加四級紀錄四次高
爲通飭事乾隆玖年玖月初九日蒙

河南承宣布政使司布政使加十級紀錄十四次
趙票開照得郡邑之有志猶國之有史史載一
代星野疆域祥瑞災異以及君臣紀傳中外載
記志亦如之史卽志之合志卽史之分也豫省
通志於雍正年間延請名儒考訂纂修刊刻成
集固足以信今而傳後但通志爲一省之綱領
其細微節末端賴邑乘考載詳明查各府州縣

志書大率於康熙初年纂訂之後類皆殘缺未
經重輯此數十年來承平日久戶口繁多教化
日興風俗移易土田則有墾闢之殊疆域則有
改隸之易其人才疊見如掇高科而登黃榜者
不乏人節孝可風而義行堪傳者不乏人至備
位茲土某某治行卓越某某素餐貽譏其姓氏
尚在人耳目間及今博採輿論有不失其真倘
再因循日久不思增輯後之人卽欲採擇而編
載之苦於文獻無徵則數十年之因革損益政

蹟文章人物風土幾何不湮沒無聞謂非守土之咎歟夫今日之牧令額設公費無多欲其聘延碩彥多人開館纂輯付之剗劂誠力有所未逮然就一邑中紳士擇其品行端方素有文名者一二人與之商確考訂照依舊志條規逐加增輯抄錄成書一申司府備查一付禮房收貯俾後之人稽考有據可以踵事而纂之其事簡而易行其費約而不繁當亦諸君子所樂爲也合行通飭爲此仰州官吏照牌事理即便轉飭

所屬一體查照辦理仍將作何修輯緣由先行具報事竣將所輯之書抄錄送司查考毋視爲迂緩而致有高擱之舉毋畏其繁難而等於道旁之築是本司所深望也毋違速速等因蒙此擬合就行爲此仰縣官吏照票事理即便一體查照辦理仍將作何修輯緣由先行具報事竣將所輯之書抄錄送州以憑送司查考毋違速速須牌

特授河南直隸光州固始縣包 爲通飭事奉

本州信牌蒙

布政司憲牌內開前事 云 等因蒙此 卑 縣志

書自康熙叁拾貳年間知縣楊汝楫修輯以後

歷今五十餘載事故缺畧人物淪亡誠宜急爲

修輯以備

盛世採風之用 卑職 自本年正月到任後卽留心

採訪其如頭緒繁多未有成局今若延請他處

名流董司其事則恐未諳土俗若招致本籍衿

固始縣續志

縣詳

三

士則又恐近在桑梓不無避嫌况書齋膏火貲

無所出又未免草草從事今 卑職 管窺之見可

否大書告示遍貼通衢併移行儒學凡一應縉

紳衿士耆老庶民或一鄉事蹟或本家節孝或

閭邑災祥皆許直書其事一投 卑職 一投儒學

彼此參訂再加細訪考覈確鑿再與本地縉紳

彙齊明倫堂公同較閱遴選棄取抄錄成書繕

呈憲覽所有修輯緣由擬合先行具詳奉

憲批如詳行繳

凡例

一續志之難難于修志修志自皇古以來史冊可攷經經緯史郁藻繽紛觀者悅目續志自康熙三十二年以後事不見于詩書名不傳于彤管所恃者不過訪諸耆老耳而傳聞未確記憶不全直言記載尚恐有訛况敢潤色乎

一康熙三十二年楊令所修之志蓋統前志俱皆纂輯而又加以近時人物今若仍倣此式

固始縣續志

凡例

一

未免篇什過多刊刻不易故前志所載不復重複而但以楊志以後之事續增成帙閱者勿詫郊寒

一星紀分野與前志稍有異同並存其說以備考訂非敢踏駁前人也

一古時所有今時所無如藩封陵寢等類雖欲續之無可續也

一定例節婦年三十以下六十以上守節三十年方准題

旌固始婦女邀

恩者不少而尚有深山窮谷未及蒐羅或子幼丁單不知呈報從前各憲已旌其門而未題達者今亦考校增入庶幾善善欲長

一官評得失始則訪諸縉紳繼則問諸耆老終則証諸文卷據事直書不敢有所阿好

一藝文諸體不全皆因採訪未到嗣後隨到隨刊不必論其體格較其先後輩也

一臨文不諱故于前輩顯貴直書名姓

固始縣續志

凡例

二

一戶口田畝自康熙三十二年以後缺少編審十次無案可稽然徵賦考丁當以近今冊籍爲主從前缺少不妨闕疑

一各處志書從無義輸一類而固志獨有今據各保地所報有有卷者有無卷者刪之則阻人以樂善存之則示人以沽名而又恐其中有浮誇失實者則秉筆之過也願與諸先輩直言之

一凡前志所遺者今補入

一志書條目各處不同隨地有無如海防河防
是也今集中條目各仍其舊不敢臆爲增減
昭率由也

一志以傳信垂示百世是非可否自有公評故
秉筆之下寧嚴毋濫不然取悅于一人而後
人之指摘不少

固始縣續志纂修姓氏

總修

固始縣知縣加一級紀錄五次

包桂
浙江錢塘人

纂修

固始縣儒學教諭加一級

李汝彬
鄭州人

固始縣儒學訓導加一級

馬曉
杞縣人

山東濟東泰武兼管水利通省驛傳事務布政使司叅議加三級

吳士功
邑人

原任江西弋陽縣知縣紀錄四次

吳夢渭
邑人

原任江西高安縣知縣加一級

祝元仁
邑人

固始縣續志

姓氏

一

丙辰科舉人揀選知縣曾有年

邑人

參閱

固始縣縣丞加一級

石之憲
浙江紹興人

固始縣以主簿管典史事加一級

李光照
浙江山陰人

分校

戊午科副榜

周圖柄
邑人

辛酉科拔貢

黃恂
邑人

乙卯科拔貢候選縣丞張鴻

邑人

歲進士

張寬
邑人

國學生

吳從周
邑人

國學生

魏資賢
邑人

國學生

田廷宣
邑人

附監生

祝元程
邑人

國學生

熊清標
邑人

固始縣續志

姓氏

固始縣續志目錄

卷一

沿革表

山川野

郡縣

疆域

鄉俗

卷二

建置志

城池社

公署

倉廩

廟學

卷三

食貨志

戶口

田畝

賦稅

課程

卷四

固始縣續志

目錄

秩官表

封爵

守令

知縣

縣丞

卷五

師儒表

教諭

訓導

卷六

選舉表

進士

鄉舉

貢士

薦辟

卷七

人物志

忠義

孝友

政事

文學

卷八

世家

隱逸

節烈

鄉賢

典禮志

詔赦
讀法

慶賀
賑恤

祭祀
會宴

飲射
儀公

卷九

武備志

軍防
功防

軍匠
驛馬

保甲

卷十

異流志

寺觀
科術

仙道
僧技

卷十一

雜述志

游寓
災祥

義輸
紀述

材幹
陵墓

卷十二

藝文志

誥記

勅賦

奏歌

傳詩

固始縣續志

目錄

一一

雜著

固始縣續志卷之一

邑令包 桂纂輯

沿革表

星野山川

郡縣形勝

疆域古蹟

鄉里風俗

盛王鼎興忠質異尚治不相襲昭更始也故分道置郡列侯封疆世易其制我

國家承平日久安土敦仁萬年之基仍如一日固始雖云蕞爾邇來生齒日繁文教丕振風氣駸乎日上矣然在天成象列宿分野猶是也在地成形井疆宅里猶是也殆所稱農服先疇而土

固始縣續志

卷之一

沿革

一

食舊德者歟續沿革表

星野

按舊志云高辛氏時為揚州域宿入斗星應星紀宮為磨蝎時屬丑吳分野漢高帝時屬吳地斗分野晉志則云揚九江入斗二度隋志則云揚州禹貢為淮海之地在天官自斗十二度至須女七度為星紀辰在丑吳越得其分野唐志則云揚楚滁和廬壽舒為星紀分又云南斗在雲漢下流當淮海間為吳分又葛臣曰薛志固

始古揚州域而星野系以楚蓋因楚人滅蓼地
始入楚之誤也玉曆森羅紀以光固介乎吳楚
銖較寸量則光楚固吳較然矣昔符堅寇晉石
越以鎮星守斗牛福德在吳未可犯堅不聽兵
至淮肥大敗而還亦其驗也蓋縣屬吳者春秋
之前而入楚在滅蓼後地有沿革而星不可易
也是則固始之屬於楚而為斗分野此一說也
按河南省志云亢宿之屬為折威為大角為左
右攝提為陽門為頓頡分野豫州豫州之域於

固始縣續志

卷之一

沿革

二

光州為光山為息為固始為商城於南陽為桐
栢此固始之屬於豫而為亢分野亦一說也

按禹貢錐指

德清胡渭著

云揚州有古汪芒氏之封

春秋時可考者蓼六越楚

東境是

吳蔣弦黃舒

宗巢舒庸舒鳩英桐鐘離濮

左傳昭元年吳濮有鬯杜注云吳在

東濮在南今建寧郡南有濮夷

凡十七國戰國時初屬越後楚

滅越而有其地秦并天下置九江鄣郡會稽閩

中南海

東境今潮陽郡是

漢復置揚州

領郡七

後漢魏晉

並因之

晉領郡十二

唐為淮道之廣陵

揚州

淮陰

楚

鐘離濠壽春壽永陽滁歷陽和廬江廬同安舒

蘄春蘄弋陽光等郡江南東道之丹陽潤晉陵

常吳郡蘇吳興湖餘杭杭新定睦新安歙會稽

越餘姚明臨海台縉雲處永嘉温東陽婺信安

衢建安建長樂福清源泉漳浦漳臨汀汀潮陽

潮等郡江南西道之豫章洪鄱陽饒潯陽江臨

川撫廬陵吉宜春袁南康虔等郡按以上通典

所列無可更定者以今輿地言之浙江江西福

建皆是江南卽江寧揚州廬州安慶池州太平

固始縣續志

卷之一

沿革

三

寧國徽州鎮江常州蘇州松江十二府滁和廣

德三州其鳳陽府則鳳陽臨淮定遠壽州霍邱

肝胎天長淮安府則山陽鹽城河南則汝寧府

之光州光山固始湖廣則黃州府之羅田蘄水

蘄州廣濟黃梅廣東則潮州府皆古揚州域也

此固始之屬於揚而爲斗分野亦一說也

按

御纂尚書地理今釋云禹貢揚州今江南之江寧

揚州廬州安慶池州太平寧國徽州鎮江常州

蘇州松江十二府滁和廣德三州鳳陽府鳳陽
臨淮定遠霍邱盱眙天長六縣壽州淮安府山
陽鹽城二縣河南之汝寧府光山固始二縣光
州湖廣之黃州府羅田蘄水廣濟黃梅四縣蘄
州廣東之潮州府及浙江江西福建皆是也

豫州今河南之河南開封歸德南陽汝寧五府
汝州直隸之大名府東明長垣二縣山東之兗
州府定陶城武曹單四縣江南之鳳陽府潁毫
二州潁上太和蒙城三縣湖廣之襄陽府襄陽

固始縣續志

卷之一

沿革

四

光化宜城棗陽穀城五縣均州鄖陽府鄖保康
二縣及鄖西縣東境德安府隨州北境也豫州並無

固始此固始之屬於揚而爲斗分野亦一說也

按廣輿記云汝寧府

當日光州未分直隸原屬汝寧

禹貢豫州

之域天文角亢氏分野春秋沈蔡二國地屬秦
潁川漢曰汝南劉宋曰懸瓠後魏曰豫州後周
曰舒州曰溱州唐曰蔡州宋曰淮康金曰鎮南
元曰汝寧查舊志從無沈蔡二國之說而廣輿
始見係角亢氏分野終未分晰某縣某星然大

旨與省志相同此固始之屬於豫而爲亢分野
又一說也

包南州曰治莫大乎尊王政莫先於法古查固
始星野之紀有言屬於楚而爲斗分野者有言
屬於豫而爲亢分野者有言光吳固楚者有言
春秋時屬吳楚滅蓼後屬楚者其說不一然攷
御纂尚書則以固始屬揚斗分野再攷高辛氏時
又以固始屬揚斗分野前聖後聖若合符節而
其中又有胡先輩所訂禹貢錐指以爲証詩曰

不愆不忘率由舊章法古之謂歟書曰是訓是
行以近天子之光尊王之謂歟余故於固始星
紀斷以屬於揚而爲斗分野者爲是其他說存
以附叅至於亢分野之說余不能無疑焉河南
省志云亢宿之屬爲折威爲大角爲左右攝提
爲陽門爲頓頡分野豫州豫州之域於光州爲
光山爲息爲固始爲商城於南陽爲桐栢此固
始之屬於豫而爲亢分野其說是矣然余曾蒞
海陽亦修志矣見山東省志云濟北國東漢分

泰山郡置入亢五度統縣五曰盧曰蛇邱曰成
曰荏平曰剛竊思山東志以蛇邱荏平等五縣
屬亢河南志則以光山息縣固始商城桐栢屬
亢在天不敢言在地有可據荏平之與固始相
去千有餘里蛇邱之與光山更相去亦千餘里
豈河南一亢而山東又一亢耶又豈以天之大
也一亢可以統數千里耶如一亢可以統數千
里則何以近於光州之許陳二府又不統於亢
耶但以河東二省相提並論而其說茫如夫洛

陽雖爲土中然東荆西豫更迭不常苟信懸瓠
稱名數易南北周齊例闕地志魏隋二史紀載
或殊其在人事者尚多茫昧况以天之高星辰
之遠而憑諸璣璿以云宿離不忒蓋亦難矣存
之以俟淹雅者之考訂焉

郡縣

固始向隸汝寧府雍正二年河南巡撫憲石
題請一件請照晉省分轄之制等事案查豫省開
封府轄四州三十縣地方遼闊政務殷繁河南

府轄一州十三縣汝寧府轄二州十二縣道里遙隔查察難周均有鞭長莫及之虞應照晉省分隸之制除開封府附郭之祥符及陳留杞縣通許太康尉氏洧川鄆陵扶溝中牟陽武封邱蘭陽儀封等十四縣仍隸開封府管轄外請以西華商水項成沈邱四縣分隸陳州臨潁襄城鄆城長葛四縣分隸許州密縣新鄭二縣分隸禹州滎澤滎陽河陰汜水四縣分隸鄭州其原武延津二縣均在河北原武縣就近歸併懷慶

府管轄延津縣就近歸併衛輝府管轄河南府附郭之洛陽及偃師鞏縣孟津宜陽登封永寧新安澠池嵩縣盧氏等十一縣仍隸河南府管轄外靈寶閿鄉二縣分隸陝州汝寧府附郭之汝陽及上蔡確山正陽新蔡西平遂平信陽羅山等九州縣仍隸汝寧府管轄外光山息縣固始商城四縣分隸光州均改爲直隸州督催盤查各縣錢糧及狗庇失察俱照知府之例處分至該州各有經徵錢糧亦照晉省責令道員盤

查之例陳州許州禹州鄭州陝州倉庫令開歸
河道盤查光州倉庫令南汝道盤查如狗隱失
察亦照知府盤查之例處分以杜虧空之弊等
因具

題奉

旨依議欽此欽遵在案

疆域

縣治在州東一百四十里南山北淮東史西曲
壩開星列溝洫鱗次出產嘉禾客商雲集為荆

固始縣續志

卷之一

沿革

八

襄之屏翰作豫省之咽喉

東六十里至霍邱縣界地名大山舖至霍邱八十里

南六十里至商城縣界地名瓦廟至商城六十里

西七十里至光州界地名春河至光州七十里

北六十里至潁州界地名地流集往至潁州一百二十

里

東南二百二十里至六安州界地名金家寨至六安

六十里

東北九十里至霍邱縣界地名河尖三至霍邱一百

五十里

西南九十里至光商交界地名李至光商五十七里

西北九十里至光息交界地名張庄至光息一百四十里

東西廣一百三十里

南北袤一百二十里

鄉里前志里村有與今不符者
今將現在村庄開列于後

東鄉

長興里

長興店 分水亭 二舖廟
楊家岡 岳家堰 王家店
獅子口
獅塘
鴻鶴塘

固始縣續志

卷之一 沿革

九

大山里

大河舖 大山舖 三舖店
羅家集 董家集
沿城澗 陳家集 朱家集
李家店 華家岡 蔣家集

清河里

三佛店 八里店 柳樹店
石佛店 清河集 灘湖壩
吳家集 沿

前冲里

張廣廟 劉家集 黎家集
溫家集 塔兒岡 上闡集
龍潭集

南鄉

長江里

長江河 皂靴河 二道河
裴家灣 青峯嶺 金家寨
仙跡嶺
楊家灘

趙市集

黃家集

稻草集

楊家雙樓

宣政里

宣政寺

張老埠

喻家畝

龍王廟

川山里

川山碑

兩河口

大橋口

海灣里

樟栢嶺

海灣村

高廟

草廟

西鄉

西曲里

土橋舖

楊閔舖

新店舖

迎河集

古堆集

胡族舖

固始縣續志

卷之一 沿革

十

期思里

期思集

袁家店

官庄里

楊家集

萬家溝

白露河

春河里

春河舖

馬堙集

于倉舖

普照里

北廟集

李家集

吳孟集

明德里

張家庄集

新民里

黃家樓

北鄉

勝棠里

丁家埠

龍港集

巴族里

觀音堂

二郎廟

東曲里

馬家埠
謝家集

戴家店
李家集

張家岡

梁安里

橋口集
正興集

清灘里

三河尖
清波灘

栢楊里

栢楊村
文塔集

周家集
傅家集

徐家集
堰溝集

花家集

東隅里

往流集
朱臯集

三寶店

案查鄉約保正其來久矣鄉約之設所以講射讀法保正之設所以弭盜安民從前四鄉通共二三十名日增一日竟至二三百之多

在外招搖生事無非不為乾隆十年知縣包桂蒞事一載相度民情裁去冗役其示曰為裁汰冗役以靖地方以安民業事照得政有定體尤貴因時治有良模所當審勢保正之設原以清查保甲弭盜安民遇有戶婚田土之事為之排解以息訟端法誠善也乃日久弊生各鄉保正並不管理事務十里之內即有二三保正安居家內遇事傳訊不曰抱病不知即曰有事出外或彼此推諉或袒庇

成問其家道之殷實存留四十七名裁汰四十名合行出示曉諭爲此示仰閭邑軍民人等知悉遵照前件事宜凡各鄉各保須認明現存保正姓名及裁汰姓名毋爲若輩冒充生事各安本分如有受其誑騙以及餽送規禮者許卽指名稟報以憑究處各宜凜遵毋

違特示

山川

前志所遺今特補入非前日所無而今始有也

霧露山

在邑西四十里

固始縣續志

卷之一

沿革

十三

蓼潭

在邑南七十里

石佛潭

在邑西南二十里祈雨有應

溫泉

在邑西南山中其熱如湯其色綠

茹陂

在邑東南四十里漢刺史劉馥築以溉田

四耳湖

在邑北往流集之東知縣包桂查出

形勝

前志已載無可續

古蹟

前志所遺今特補入

殷城廢縣

在邑南一百二十里劉宋置褒信縣隋改殷城唐初以縣置義州尋省宋

改縣曰商城後省入固始

會景閣

在邑仙居鎮宋紹聖初建濮溫其有記

君子亭

在邑城南一里

風俗

前志已詳無可續

輶車採風入疆問俗慶吊往來歲時臘伏縟節
繁文無庸重複余覽風景民情較朴屋有絃歌
野看農服地產沃饒繁滋六畜惟是刀筆以舞
文好爲鼠牙而雀逐蒞茲土者端本清源摧虺
除蝮無寬大以沽名母縱奸以長惡若使萬民
之哀何如一家之哭